



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 423
e – mail: info@voda.ba

Broj: **UP-1/21-2-40-498-7/24**
Datum: **31.12.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica „LUDIYA» d.o.o. Sarajevo za donošenje rješenja o vodnoj saglasnosti za aktivnost vađenja materijala iz korita rijeke Vrbas na lokalitetu „uzvodno od AB mosta prema rijeci Bistrici do naselja Batuš" – LOT4, koji se nalazi na prostoru Federacije BiH, općina Gornji Vakuf - Uskoplje, na osnovu člana 121. stav (3) Zakona o vodama («Službene novine Federacije BiH», broj 70/06) i člana 200. stav (1) a u vezi sa članom 135. Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E

Odbija se zahtjev pravnog lica „LUDIYA» d.o.o. Sarajevo za donošenje rješenja o vodnoj saglasnosti za aktivnost vađenja materijala iz korita rijeke Vrbas na lokalitetu „uzvodno od AB mosta prema rijeci Bistrici do naselja Batuš" – LOT4, koji se nalazi na prostoru Federacije BiH, općina Gornji Vakuf - Uskoplje.

O b r a z l o ž e n j e

Dana 23.09.2024. godine dostavljen je ovoj Agenciji zahtjev pravnog lica „LUDIYA» d.o.o. Sarajevo za donošenje rješenja o vodnoj saglasnosti za aktivnost vađenja materijala iz korita rijeke Vrbas na lokalitetu „uzvodno od AB mosta prema rijeci Bistrici do naselja Batuš" – LOT4, koji se nalazi na prostoru Federacije BiH, općina Gornji Vakuf - Uskoplje.

Uz zahtjev je dostavljena slijedeća dokumentacija:

- Ovjerena kopiju Rješenja o izmjenama podataka broj: 065-0-Reg-23-005399 od 25.01.2024. godine, Općinski sud u Sarajevu;
- Ovjerena kopija Uvjerenja o registraciji poreznog obveznika, izdatog od strane Kantonalnog poreznog ureda u Sarajevu, dana 20.02.2024. godine;
- Ovjerena kopija Obavještenja o razvrstavanju poslovnog subjekta prema klasifikaciji djelatnosti, Federalni zavod za statistiku, 21.02.2024. godine;
- Elaborat „Vađenja materijala iz vodotoka rijeke Vrbas na lokalitetima Humac, Hrasnica, Ploča i Batuš" sve nizvodno od Gornjeg Vakufa-Uskoplje, općine Gornji Vakuf-Uskoplje, lokacija: Hrasnica", urađen od strane Higracn d.o.o. Sarajevo, august 2024. godine.

Na osnovu uvida u dokumentaciju dostavljenu uz zahtjev, utvrđeno je ista ne sadrži potrebnu dokumentaciju traženu tačkom 3. i 5. rješenja o prethodnoj vodnoj saglasnosti ili je ista nepotpuna i to:

- Dostavljeni elaborat za vađenje materijala iz korita rijeke Vrbas na predmetnom lokalitetu nije urađen u skladu sa uslovima propisanim rješenjem o prethodnoj vodnoj saglasnosti;
- Nije dostavljena saglasnost udruženja sportskih ribolovaca na vađenje materijala iz korita rijeke Vrbas na predmetnom lokalitetu u periodu definiranom dodijeljenim ugovorom (dostavljeno samo u sklopu Elaborata);
- Nije dostavljen Ugovor o izvođenju predmetnih radova potpisan sa Agencijom za vodno područje rijeke Save, Sarajevo (dostavljeno samo u sklopu Elaborata);
- Nisu dostavljeni dokazi Izvođača da je riješio pitanje imovinsko-pravnih odnosa na trasi pristupnog puta do lokacije vađenja materijala iz vodotoka, te do lokacije za deponovanje kao i na samoj lokaciji za deponovanje izvađenog materijala (Ovjerena izjava Izvođača);
- Nije dostavljen dokaz o uplati upravne takse u iznosu 60,00KM.

Kako uz zahtjev nije dostavljena potrebna dokumentacija, dopisom broj: UP-1/21-2-40-498-2/24 od 25.09.2024. godine, zatražena dopuna dokumentacije neophodne za vođenje upravnog postupka od strane ove Agencije u roku od 20 dana. Podnosilac zahtjeva je djelimično dopunio zahtjev (Elaboratom) dana 11.10.2024. godine.

U toku vođenja postupka, dopisom broj: UP-1/21-2-40-498-3/24 od 26.09.2024. godine, zatražena je od Sektora 30 Agencije informacija „da li je „Ugovor o vađenju materijala iz vodotoka rijeke Vrbas na lokalitetu uzvodno od AB mosta prema Bistrici do naselja Batuš, općina Gornji Vakuf / Uskoplje – LOT 4", broj: 30-43-19/24 od 6.6.2024. godine raskinut ili potpisan novi, obzirom da Izvođač u propisanim rokovima (60 dana) nije izvršio obaveze iz člana 2. Ugovora i isti nije važeći". Odgovor je zaprimljen 03.10.2024. godine sa informacijom da će se o daljim koracima u ovom postupku odrediti naknadno.

U skladu sa navedenim, dopisom broj: UP-1/21-2-40-498-6/24 od 04.11.2024. godine, podnosioc je obaviješten da je obavezan dostaviti dopunjenu dokumentaciju utvrđenu tačkom 5. rješenja o prethodnoj vodnoj saglasnosti i to:

- Važeći Ugovor o izvođenju predmetnih radova potpisan sa Agencijom za vodno područje rijeke Save Sarajevo;
- Validne dokaze Izvođača da je riješio pitanje imovinsko-pravnih odnosa na trasi pristupnog puta do lokacije vađenja materijala iz vodotoka, te do lokacije za deponovanje kao i na samoj lokaciji za deponovanje izvađenog materijala.

U toku vođenja ovog postupka, kao ni do dana donošenja rješenja, nije dostavljena tražena dopuna.

Uvidom u dostavljeni „Elaborat vađenja materijala iz vodotoka rijeke Vrbas na lokalitetima Humac, Hrasnica, Ploča i Batuš, lokacija Batuš“, utvrđeno je da isti nije urađen u skladu sa uslovima propisanim u rješenju o prethodnoj vodnoj saglasnosti, i to:

Tačka 3.1.:

- Nije urađen geodetski snimak aktuelnog stanja na lokalitetu sprudišta koje se uklanja, sa elementima iskolčenja profila. Snimljen je početni i krajnji poprečni profil korita, označen kao p14-p14' i p15-p15' na međusobnom razmaku cca 350m, bez prikaza sprudišta;
- Grafički prilozi Elaborata ne sadrže poprečne i uzdužne profile;
- Na situaciji nije prikazan lokalitet na kojem se planira vađenje materijala (sprudište);
- U poglavlju 3. dostavljenog Elaborata: „dokaznice količina šljunčanog materijala“ prezentiran je tabelarni proračun količina materijala u iznosu od 0,00 m³, čime je potvrđeno da na predmetnom lokalitetu nema materijala koji treba izvaditi.

Tačka 3.2.: U Elaboratu je priložena „Suglasnost za realizaciju ugovora o čišćenju korita rijeke Vrbas od Humca do Gornjeg Vakufa-Uskoplje, izdata od strane UG SRD „Vrbas“ od 23.07.2024. godine kojom je predložen vremenski period realizacije radova koji neće ugroziti mrijest ribe i to od 01. marta do 01. oktobra.

Tačka 3.3.: U dostavljenom Elaboratu nije prikazano planirano mjesto odlaganja izvađenog materijala (deponija) kao ni dokazi o riješenim imovinsko-pravnim odnosima.

Tačka 4: Podnosilac zahtjeva je za potrebe izrade projektne dokumentacije angažirao projektnu kuću „HIGRACON“ d.o.o. Sarajevo, koja posjeduje ovlaštenja za izradu projektne dokumentacije, prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH» broj 17/08).

Tačka 5: Podnosilac zahtjeva nije priložio svu potrebnu dokumentaciju navedenu tačkom 5. PVS-a.

Uvidom u dostavljenu dokumentaciju utvrđeno je da ovaj organ nije mogao postupiti po podnesenom zahtjevu, obzirom da je isti imao nedostatke koji su sprječavali postupanje organa, odnosno nisu ispunjeni uslovi iz Rješenja o prethodnoj vodnoj saglasnosti broj: UP-1/21-1-40-094-6/24 od 11.04.2024. godine donesenog od strane ove Agencije, kao ni rokovi propisani Ugovorom o vađenju materijala iz rijeke Vrbas na predmetnom lokalitetu, broj: 30-43-19/24 od 06.06.2024. godine, potpisanim od strane ove Agencije.

Na osnovu prednjeg i provedenog postupka konstatovano je da sa aspekta sektora voda postoje ograničenja koja proizilaze iz odredbi Zakona o vodama da se podnosiocu zahtjeva izda tražena vodna saglasnost, pa je riješeno kao u dispozitivu ovog Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Nihad Pezo, dipl.inž.građ.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- «LUDIYA» d.o.o. Sarajevo, ul. Ferhadija br. 11, 71000 Sarajevo
- ⊖ AVP, ISV – Vodna knjiga
- Sektor 40, arhiva
- Sektor 30
- Oglasna ploča, AVP Sava